

**Ufficio Stampa della Provincia autonoma di Trento**

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

**COMUNICATO n. 1645 del 19/06/2024**

**Traduzione in ladino**

## **Trasport publich sui jouves dolomitics, la convenzion co la Provincia autonoma de Busan la é stata aproèda**

**[Ladino] La colaborazion co la Provincia autonoma de Busan dintornvia l trasport publich la vegn renovèda ence per chesta sajon da d'istà. Con n provediment proponet dal assessor Mattia Gottardi, la Jonta provinzièla à aproà n schem de convenzion co la Provincia autonoma de Busan per l smaorament, per d'istà, dai 15 de jugn ai 20 de setember del 2024, del servije de trasport publich de linia col perveder l coleament (tras la linia 471) per jir e vegnir dal Jouf de Sela a Cianacei; servije gestì da na sozietà per cont de la Provincia autonoma de Busan. La convenzion, aproèda en lunesc ai 17 de jugn la perveit ence la integrazion de la tarifa per chi che à la Guest Card su la linea 471 "Jouf de Pordoì/Cianacei – Jouf de Sela – Val Gherdena". L é n servije utol – sotrissea l assessor Gottardi – che deida a smendrèr l trafich e donca ence l entesseament te un di ambienc naturèi più bie e delicac. Chesta colaborazion smaora l servije de trasport publich con n coleament anter la Provinzies de Trent e de Busan. Ghes e sentadins pel cerner n meso desvalif che chel sie privat, con n vantaje per la sostegnibilità e per la calità ambientèla, te n trat del an olache rua adarlèrch sacotenc ghes".**

Co la convenzion vegnarà donca smaorà l coleament anter l Jouf de Sela e Cianacei tras 9 cobies de viajes, servije metù a jir da la sozietà che gestesc l trasport publich sun chela linia (471) per la Provincia autonoma de Busan. L cost a cèria de la Provincia autonoma de Trent per l sperlongiament de la streca fin a Cianacei l é de € 63.915,20, zenza la SVE.

I ghes che à la Trentino Guest Card podarà viajèr, semper dai 16 de jugn ai 20 de setember, su la streca Cianacei – Jouf de Sela e Jouf de Pordoì – Jouf de Sela (Linea 471): aló la speisa perveduda de 5.388,13 € tout ite la SVE, la sarà a cèria de Trentino Sviluppo.

**Traduzion di Servijes Linguistics e Culturèi del Comun general de Fascia**

(cdt)